

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის ლაშა ქოჩიაშვილის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	17	20
სამართლებრივი დასაბუთების უნარი და კომპეტენცია	19	20
წერის უნარი	19	20
ზეპირი კომუნიკაციის უნარი	15	15
პროფესიული თვისებები, მათ შორის, ქცევა სასამართლო დარბაზში	15	15
აკადემიური მიღწევები და პროფესიული წვრთნა	4	5
პროფესიული აქტივობები	4	5
<b>ქულათა ჯამი</b>	<b>93</b>	<b>100</b>

სახელი, გვარი: ლევან გზირიშვილი  
თარიღი: 27.05.2021 წ.



ლაშა ქოჩიაშვილი

შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის შეფასების დასაბუთების შედეგების პროცესში ვიხელმძღვანელო „საერთო სასამართლოების შესახებ“ საქართველოს ორგანული კანონის 34<sup>ე</sup> მუხლის მე-11 პუნქტით დადგენილი წესით

მოსამართლეობის კანდიდატის შეფასება კეთილსინდისიერების კრიტერიუმის მიხედვით			კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>		კანდიდატი არის თავშეკავებული და კორექტული. ის ჯეროვნად და კეთილსინდისიერად ასრულებს თავის ფინანსურ ვალდებულებებს. მას აქვს კარგი პიროვნული და პროფესიული რეპუტაცია კოლეგებს შორის. კანდიდატი იცავს სამოსამართლო ეთიკის ნორმებს, მის მიმართ დისციპლინური დევნა არ განხორციელებულა. ის არის მიუკერძოებელი პოლიტიკური თუ სხვა ნიშნით.
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>		
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>		
მოსამართლეობის კანდიდატის შეფასება კომპეტენტურობის კრიტერიუმის მიხედვით			კომენტარი
კრიტერიუმი	მიღებული ქულა	მაქსიმალური ქულა	
სამართლის ნორმების ცოდნა	17	20	კანდიდატი ფლობს სამოქალაქო სამართლის მატერიალურ და საპროცესო კანონმდებლობას. ასევე, ის ფლობს ცოდნას ადამიანის უფლებებისა და ძირითადი თავისუფლებების მიმართულებით. კანდიდატი ეცნობა ეროვნულ და

			საერთაშორისო პრაქტიკას თავისი სპეციალიზაციის ფარგლებში.
სამართლებრივი დასაბუთების უნარი და კომპეტენცია	19	20	კანდიდატს აქვს დაახლოებით 22-წლიანი პროფესიული გამოცდილება. მას ძირითადად აქვს ანალიტიკური აზროვნების უნარი. მისი გადაწყვეტილებები არის დასაბუთებული და დამაჯერებელი.
წერის უნარი	19	20	თავის მოსაზრებებს კანდიდატი გადმოსცემს ნათლად, გასაგებად და დასაბუთებულად. გადაწყვეტილებებში ფაქტობრივი გარემოებების აღწერის, მხარეთა და მოწმეთა პოზიციების გადმოცემის და გადაწყვეტილების დასაბუთებისას აზრს გადმოსცემს თანმიმდევრულად და გარკვევით. მას აქვს ლოგიკური მსჯელობისა და ანალიზის უნარი.
ზეპირი კომუნიკაციის უნარი	15	15	თავის პოზიციას კანდიდატი აფიქსირებს მარტივი და გასაგები ენით, თანმიმდევრულად და უმეტესად დასაბუთებულად. კანდიდატმა გამოავლინა ემოციების მართვისა და განსხვავებული მოსაზრების მოთმინებით მოსმენის უნარი.
პროფესიული თვისებები, მათ შორის, ქცევა სასამართლო დარბაზში	15	15	კანდიდატი არის პუნქტუალური, შრომისმოყვარე. ის ეფექტიანად და პასუხისმგებლობით ასრულებს თავის მოვალეობებს, მის პროდუქტიულობასა და სისწრაფეზე მეტყველებს კანდიდატის მიერ საქმის განხილვისა და გადაწყვეტილების მომზადების საპროცესო ვადების მაღალი მაჩვენებელი.
აკადემიური მიღწევები და პროფესიული წვრთნა	4	5	კანდიდატი ღია არის სიახლეების მიმართ და აქვს თვითგანვითარების უნარი. ის აქტიურად ესწრება სასწავლო პროფესიულ შეხვედრებს.
პროფესიული აქტივობა	4	5	კანდიდატი არ ეწევა სამეცნიერო საქმიანობას, თუმცა ის ეწევა პედაგოგიურ საქმიანობას იუსტიციის უმაღლეს სკოლასა და იუსტიციის სასწავლო ცენტრში.
ქულათა ჯამი	93	100	
დასაბუთება	საქართველოს უზენაესი სასამართლოს მოსამართლეობის კანდიდატის შეფასებას		

საფუძვლად უდევს გასაუბრება და მის შესახებ მოძიებული ინფორმაცია, რომელიც მოიცავს სხვადასხვა უწყებიდან გამოთხოვილ და თავად კანდიდატის მიერ წარმოდგენილ ინფორმაციას, მისი რეკომენდატორებისა და გამოკითხული რესპოდენტების (კანდიდატის კოლეგების) მიერ შევსებულ კითხვარებსა და რეკომენდაციებს.

ყოველივე ზემოაღნიშნულის გათვალისწინებით, საქართველოს საერთო სასამართლოების შესახებ ორგანული კანონის 36<sup>ე</sup> მუხლის შესაბამისად ფასდება კანდიდატის კეთილსინდისიერება და კომპეტენტურობა.

**კეთილსინდისიერების კრიტერიუმებით** მოსამართლეობის კანდიდატის, ლაშა ქოჩიაშვილის შეფასებისას გაითვალისწინება საერთო სასამართლოების შესახებ საქართველოს ორგანული კანონით დადგენილი მახასიათებლები:

- პიროვნული კეთილსინდისიერება და პროფესიული სინდისი;
- დამოუკიდებლობა, მიუკერძოებლობა და სამართლიანობა;
- პიროვნული და პროფესიული ქცევა;
- პიროვნული და პროფესიული რეპუტაცია;
- ფინანსური ვალდებულება.

**პიროვნული კეთილსინდისიერება და პროფესიული სინდისი:**

მოძიებული ინფორმაციის თანახმად, ლაშა ქოჩიაშვილს საქართველოს სახელმწიფო ბიუჯეტის მიმართ დავალიანება არ ერიცხება. ის კეთილსინდისიერად ასრულებს თავის ფინანსურ თუ სხვა სახის ვალდებულებებს, თუმცა მას უფიქსირდება მცირედი ჯარიმები ვალდებულების შესრულების ვადაგადაცილებისათვის. კანდიდატი რეგისტრირებული არ არის მეწარმეთა და არასამეწარმეო იურიდიულ პირთა რეესტრში. საგზაო მოძრაობის წესების დარღვევისათვის დაკისრებული ადმინისტრაციული ჯარიმები კანდიდატს დაფარული აქვს დროულად, კანონმდებლობით განსაზღვრული ვადების დაცვით. ყოველივე ზემოაღნიშნულის გათვალისწინებით, მიმაჩნია, რომ ლაშა ქოჩიაშვილს სათანადოდ აქვს შეგნებული თავისი პასუხისმგებლობა და კეთილსინდისიერად ასრულებს თავის ვალდებულებებს.

**დამოუკიდებლობა, მიუკერძოებლობა და სამართლიანობა:**

კანდიდატი არის დამოუკიდებელი და პრინციპული, რასაც ადასტურებენ მისი რეკომენდატორები და კოლეგები. კანდიდატს შესწევს გადაწყვეტილების

დამოუკიდებლად მიღების უნარი.

მოძიებული ინფორმაციის თანახმად, ლაშა ქოჩიაშვილი არ ყოფილა არცერთი პოლიტიკური პარტიის წევრი, მხარდამჭერი და შემომწირველი. ამასთან, გასაუბრების მიმდინარეობისას მას არ გამოუვლენია რაიმე სახის შეუწყნარებლობა ადამიანთა სხვადასხვა ჯგუფის მიმართ. შესაბამისად, მიმაჩნია, რომ კანდიდატი არის მიუკერძოებელი პოლიტიკური თუ სხვა ნიშნით.

#### პიროვნული და პროფესიული ქცევა:

კანდიდატის ქცევა და იმიჯი შეესაბამება მოსამართლის მაღალ წოდებას. ის იცავს სამოსამართლო ეთიკის ნორმებს, იუსტიციის უმაღლესი საბჭოს დამოუკიდებელი ინსპექტორისა და სამოსამართლო ეთიკის დეპარტამენტის მიერ წარმოდგენილი ინფორმაციის თანახმად კანდიდატის მიმართ დისციპლინური დევნა არ განხორციელებულა.

მოძიებული ინფორმაციის თანახმად ლაშა ქოჩიაშვილი არ წარმოდგენილა მხარედ ამასთან, არ ფიქსირდება მის მიმართ სისხლისსამართლებრივი ბრალდების არსებობის ფაქტი.

ლაშა ქოჩიაშვილი ცნობილი იქნა დაზარალებულად 2006 წ. საქართველოს სსკ 177-ე მუხლის I ნაწილით გათვალისწინებულ დანაშაულთან დაკავშირებით. აღნიშნულ საქმეზე დადგა განაჩენი.

#### პიროვნული და პროფესიული რეპუტაცია:

ლაშა ქოჩიაშვილი სარგებლობს კარგი პიროვნული და პროფესიული რეპუტაციით კოლეგებს შორის. რეკომენდატორები და გამოკითხული კოლეგები მას ახასიათებენ დადებითად. ისინი გამოარჩევენ კანდიდატის დამოუკიდებლობას, კეთილსინდისიერებას, შეუვალობას, პრინციპულობას, კორექტულობას, გულისხმიერებას, მტკიცე ხასიათს, კომუნიკაბელურობას და ა.შ.. რესპოდენტები მიიჩნევენ, რომ კანდიდატს არ ახასიათებს რაიმე სახის სისუსტე ან ნაკლოვანება.

2019 წელს მიმდინარე უზენაესი სასამართლოს მოსამართლეობის კანდიდატთა შესარჩევი კონკურსის პერიოდში მოქალაქე დავით მოწინიძემ წარმოადგინა წერილი, რომელშიც კანდიდატ ლაშა ქოჩიაშვილის მიმართ გამოთქვამს თავის ნეგატიურ

დამოკიდებულებას. წერილის ავტორი ითხოვს ლაშა ქოჩიაშვილის მიმართ (სხვა მოსამართლეებთან ერთად) დაიწყოს დისციპლინური ღვენა.

#### ფინანსური ვალდებულება

იმის გათვალისწინებით, რომ ლაშა ქოჩიაშვილი კეთილსინდისიერად ასრულებს თავის ფინანსურ ვალდებულებებს, მიმაჩნია, რომ აღნიშნული გამორიცხავს მოსამართლის ქონებრივი ინტერესების მართლმსაჯულების ინტერესებთან დაპირისპირების შედეგად, მის მიუკერძოებლობასთან დაკავშირებით ეჭვის გაჩენის საფუძველს.

ყოველივე ზემოაღნიშნულის საფუძველზე, ამასთან, კეთილსინდისიერების პრეზუმფციის გათვალისწინებით, რომლის თანახმად მოსამართლე ითვლება კეთილსინდისიერად თუ კანონით განსაზღვრული უფლებამოსილების ფარგლებში მოპოვებული ინფორმაციის თანახმად არ დადასტურდება მის მიერ რაიმე სახის არაკეთილსინდისიერი ქმედების ჩადენა, მიმაჩნია, რომ ლაშა ქოჩიაშვილი სრულად აკმაყოფილებს კეთილსინდისიერების კრიტერიუმებს.

კომპეტენტურობის კრიტერიუმების მახასიათებლებით კანდიდატის შეფასებისას გაითვალისწინება საერთო სასამართლოების შესახებ საქართველოს ორგანული კანონით დადგენილი მახასიათებლები:

- სამართლის ნორმების ცოდნა;
- სამართლებრივი დასაბუთების უნარი და კომპეტენცია;
- წერის უნარი;
- ზეპირი კომუნიკაციის უნარი;
- პროფესიული თვისებები, მათ შორის, ქცევა სასამართლო დარბაზში;
- აკადემიური მიღწევები და პროფესიული წვრთნა;
- პროფესიული აქტივობა.

#### სამართლის ნორმების ცოდნა:

კანდიდატთან გასაუბრების შედეგად შესაძლებელია ითქვას, რომ ის ფლობს სამოქალაქო სამართლის მატერიალურ და საპროცესო კანონმდებლობას. ასევე, ის ფლობს ცოდნას ადამიანის უფლებებისა და ძირითადი თავისუფლებების მიმართულებით, მათ შორის, ადამიანის უფლებათა ევროპული სასამართლოს პრაქტიკის კუთხით.

გასაუბრების მიმდინარეობისას კანდიდატატს დაესვა არაერთი სამართლებრივი თუ ზოგადი ხასიათის შეკითხვა. საკითხთა უმეტესი ნაწილი კანდიდატმა განიხილა ამომწურავად და დასაბუთებულად. თუმცა, ზოგიერთ საკითხთან დაკავშირებით მისი მსჯელობა იყო შედარებით ზედაპირული და არ იყო გამყარებული შესაბამისი არგუმენტებით. მაგალითად, საკონსტიტუციო ცვლილებებთან დაკავშირებით, ასევე საქართველოს საკონსტიტუციო სასამართლოს ზოგიერთ გადაწყვეტილებასთან მიმართებით.

საბოლოო ჯამში, კანდიდატმა მისთვის დასმული სამართლებრივი და ზოგადი ხასიათის შეკითხვებზე მსჯელობისას სრულად ანდა ნაწილობრივ ამოწურა საკითხთა საერთო რაოდენობის 82%.

#### **სამართლებრივი დასაბუთების უნარი და კომპეტენცია:**

კანდიდატის მიერ წარმოდგენილი გადაწყვეტილებების შესწავლის შედეგად შესაძლებელია ითქვას, რომ კანდიდატი თავის პოზიციას აფიქსირებს ნათლად, შესაბამისი განმარტებებით და დასაბუთებულად, რაც მას სძენს დამაჯერებლობას. გადაწყვეტილებები სრულყოფილად შეესაბამება კანონმდებლობით დადგენილ მოთხოვნებს. თავის პოზიციას კანდიდატი ამყარებს როგორც ეროვნული კანონმდებლობით, ისე ადამიანის უფლებათა ევროპული კონვენციის შესაბამისი მუხლებით.

#### **წერის უნარი:**

თავის მოსაზრებებს წერილობით კანდიდატი აფიქსირებს ნათლად და დასაბუთებულად. მას აქვს ლოგიკური მსჯელობა და ანალიზის უნარი.

#### **ზეპირი კომუნიკაციის უნარი:**

კანდიდატს აქვს გამართული მეტყველების უნარი. თავის პოზიციას ის აფიქსირებს თანმიმდევრულად და გარკვეულ საკითხებთან დაკავშირებით დასაბუთებულად. მან გამოავლინა ემოციების მართვისა და განსხვავებული მოსაზრების მოთმინებით მოსმენის უნარი.

#### **პროფესიული თვისებები, მათ შორის, ქცევა სასამართლო დარბაზში:**

კანდიდატი არის პუნქტუალური და შრომისმოყვარე, რასაც დადებითად აფასებენ მისი რეკომენდატორები და კოლეგები. ის სათანადოდ უძღვება მის წარმოებაში არსებულ

საქმეებს. მის ეფექტიანობას, პროდუქტიულობასა და სისწრაფეს ადასტურებს კანდიდატის მიერ საქმის განხილვისა და გადაწყვეტილების მომზადების საპროცესო ვადების დაცვის მაღალი მაჩვენებელი (93,5%, 97,4%).

**აკადემიური მიღწევები და პროფესიული წვრთნა:**

კანდიდატს აქვს თვითგანვითარების უნარი და ის ღია არის სიახლეების მიმართ. თავისი სპეციალიზაციის ფარგლებში ის აქტიურად ეცნობა საკანონმდებლო სიახლეებს. კანდიდატი აქტიურად ესწრება პროფესიულ სასწავლო შეხვედრებს.

კანდიდატს ჩაბარებული აქვს პროკურატურის მუშაკთა საკვალიფიკაციო გამოცდა.

**პროფესიული აქტივობა.**

კანდიდატი არ ეწევა სამეცნიერო საქმიანობას, ის ეწევა პედაგოგიურ საქმიანობას იუსტიციის უმაღლეს სკოლასა და იუსტიციის სასწავლო ცენტრში.

სახელი და გვარი: ლევან გზირიშვილი

ხელმოწერა:

თარიღი: 27.05.2021 წ.